

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
Općina Novi Grad Sarajevo  
Općinski Načelnik

Broj: 02/12-49-12910/19  
Sarajevo, 06.08.2019. godine

Na osnovu člana 70. Zakona o javnim nabavkama ("Službeni glasnik", br. 39/14) i člana 3. Pravilnika o uvjetima i načinu korištenja e – aukcije ("Službeni glasnik BiH", br. 66/16), u predmetu javne nabavke školskog pribora za učenike osnovnih i srednjih škola sa područja Općine Novi Grad Sarajevo, u konkurentskom postupku, objavljenom na Portalu javnih nabavki, broj obavještenja 422-7-1-151-3-69/19 od 14.06.2019. godine, na preporuku Komisije za javne nabavke roba i usluga od 05.08.2019. godine, Općinski načelnik, donosi

## ODLUKU

1. Prihvata se ponuda ponuđača DEFTER KOMERC d.o.o. Sarajevo, sa najnižom ponuđenom cijenom u iznosu od 58.441,50 KM sa PDV - om, u predmetu javne nabavke školskog pribora za učenike osnovnih i srednjih škola sa područja Općine Novi Grad Sarajevo, u konkurentskom postupku, objavljenom na Portalu javnih nabavki, broj obavještenja 422-7-1-151-3-69/19 od 14.06.2019. godine.

2. Zadužuje se Služba za zajedničke poslove da obavijesti učesnike u konkurentskom postupku o donošenju Odluke o rezultatima okončanog postupka javne nabavke i izboru najpovoljnijeg ponuđača i da zaključi ugovor po konačnosti iste.

3. Protiv ove Odluke dozvoljena je žalba u roku od 5 dana od dana prijema iste, a koja odlaže izvršenje.

### Obrazloženje

Postupak javne nabavke – nabavke školskog pribora za učenike osnovnih i srednjih škola sa područja Općine Novi Grad Sarajevo, pokrenut je na osnovu Odluke o pokretanju postupka javne nabavke u skladu sa članom 18. stav 1. Zakona o javnim nabavkama ("Službeni glasnik", br. 39/14), putem konkurentskog postupka, objavljenog na Portalu javnih nabavki, broj obavještenja 422-7-1-151-3-69/19 od 14.06.2019. godine.

Uvidom u Izvještaj i preporuku Komisije za javne nabavke roba i usluga, utvrđeno je:

- da je Zapisnikom sa otvaranja ponuda od 25.06.2019. godine konstatovano je da su pristigle tri ponude i to:

- DEFTER KOMERC d.o.o. Sarajevo, sa ponuđenom cijenom u iznosu od 58.441,50 KM sa PDV-om,

- PENNY PLUS d.o.o. Sarajevo, sa ponuđenom cijenom u iznosu od 58.362,52 KM sa PDV-om,

- VITA d.o.o. Zenica, sa ponuđenom cijenom u iznosu od 58.473,09 KM sa PDV-om.

- da je u postupku analize ponuda, Komisija detaljnom analizom dokumentacije kojom su ponuđači dokazali svoje kvalifikacije za učešće u ovom postupku utvrdila da dostavljena ponuda ponuđača DEFTER KOMERC d.o.o. Sarajevo ispunjava uslove specificirane tenderskom dokumentacijom, dok ponude ponuđača PENNY PLUS d.o.o. Sarajevo i VITA d.o.o. Zenica ne ispunjava uslove specificirane tenderskom dokumentacijom,

- da ponuda ponuđača PENNY PLUS d.o.o. Sarajevo ne ispunjava uslove iz tačke 4.2.1. pod 2) tenderske dokumentacije - Popunjen obrazac za cijenu ponude (Aneks 3) nije popunjen u skladu sa tačkom 4.4.1. – „Ponuđač treba popuniti obrazac za ponudu i obrazac za cijenu ponude koji se nalazi u prilogu tenderske dokumentacije, u skladu sa svim podacima koji su definisani u Aneksima“, te obzirom da u istom nisu navedene jedinične cijene ponude za stavke pod rednim brojevima 2, 3,4,5,6,7,8 i 9, to se ista odbacuje, shodno tački 4.4.2. tendeske dokumentacije.

- da Ponuda ponuđača VITA d.o.o. Zenica ne ispunjava uslove specificirane tenderskom dokumentacijom iz tački:

- 4.2.1. pod 8) "Lista izvršenih ugovora ponuđača koji su realizovani u posljednje tri godine sa vrijednostima, datumima i primaocima roba kao dokaz da je dobavljač uspješno izvršio ugovore koji za predmet imaju ovakav ili sličan predmet nabavke ukupne vrijednosti 58.000,00 KM sa PDV-om. Uz spisak izvršenih ugovora ponuđač je dužan dostaviti potvrde za ugovore koji za predmet ugovora ima robe koje su u vezi sa predmetom nabavke, ukupne vrijednosti 58.000,00 KM sa PDV-om, koju je izdala ugovorna strana, a koje obavezno sadrže naziv i sjedište ugovornih strana ili privrednih subjekata, predmet ugovora, vrijednost ugovora, vrijeme i mjesto izvršenja ugovora i navode o uredno izvršenim ugovorima" - lista izvršenih ugovora kao i potvrde o uspješnoj realizaciji istih nisu dostavljene u skladu sa zahtjevima iz tenderske dokumentacije (iste se odnose na robe i usluge koje nisu u vezi za predmetom nabavke - usluge dizajna, štampanja promotivnog materijala i usluge prevođenja i sl.),

- 4.2.1. pod 9) "Uzorke, za sve stavke navedene u specifikaciji (Aneksu 3), čiju autentičnost mora ovjeriti dobavljač. U slučaju da ponuđač ne dostavi uzorke kako je traženo u tenderskoj dokumentaciji, tj. kvalitet robe nije u skladu sa tehničkom specifikacijom, ponuda će biti odbijena kao nepotpuna i neće se uzeti u razmatranje" - dostavljeni uzorci iz stavke 1. Aneksa 3. - Školski ruksak po karakteristikama / kvalitetu nije u skladu sa tehničkom specifikacijom, kako slijedi:

- dimenzije ruksaka 30-32x40-42x16-18 cm,
- reflektirajući dijelovi zbog sigurnosti kretanja učenika u saobraćaju,
- tvrdo dno,
- težina ruksaka.

Kako navedene ponude nisu dostavljene u skladu sa zahtjevima iz tenderske dokumentacije, to se iste odbacuju, shodno članu 68. Zakona o javnim nabavkama.

Obzirom da se radi o konkurentskom postupku, objavljenom na portalu javnih nabavki, da su pristigle tri ponude od kojih samo jedna ispunjava kvalifikacione uslove specificirane tenderskom dokumentacijom, te kako je tačkom 5.7. Tenderske dokumentacije predviđeno provođenje e - aukcije, to se ista neće provoditi, shodno članu 3. Pravilnika o uvjetima i načinu korištenja e - aukcije („Službeni glasnik BiH“, br. 66/16).

Imajući u vidu navedeno, a primijenom kriterija «najniža cijena», na osnovu članu 64. stav 1. tačka b) Zakona o javnim nabavkama, na preporuku Komisije za javne nabavke roba i usluga, odlučeno je kao u dispozitivu.

Pouka o pravnom lijeku:

Protiv ove Odluke dozvoljena je žalba u roku od 5 dana po prijemu iste, Uredu za razmatranje žalbi Sarajevo, putem ovog organa, u pisanoj formi, direktno na protokol ugovornog organa, elektronskim putem ili preporučenom pošiljkom.

DOSTAVITI:

1. Služba za zajedničke poslove
2. U spis



Općinski načelnik  
mr. Semir Efendić